



26. marts 2012

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut Apeqqut:

- 1. Qasigianguani Royal Greenland A/S-ip siunissami tunisassiorfiata tunisassianik amingaateqaleqqinnginnissaanut Naalackersuisut qanoq ittumik suliniuteqarniarpat?**
- 2. Royal Greenland A/S-imi sulisartut inuppalaarnerusumik pineqartalernissaanik Naalackersuisut suliniuteqalersaarpat?**

(Inatsisartuni ilaasorta, Kristian Jeremiassen Siumut)

Tungavilersuut

Royal Greenland A/S-ip ilisimatippaanga maannakkut Qasigianguani tunisassiorfiup suliassarunnerata kingorna sulisartut 140-it missaaniittut angerlartiinnarneqartut.

Qaasuitsup Kommunea-nut isumaginninnikkut aningaasartuutit annertuseriarnerannik kinguneqassaaq ilaqutariippassuillu aningaasarsiornikkut eqqorneqarlutik.

Taamaammat innuttaasut suliffissaaruttut siunissami taamatut inisseqqinnginnissaat anguniarlugu inuiaqatigiit pigisaat Royal Greenland A/S siunissami tunisassiassanik amingaateqaqilinnginnissaanut Naalackersuisut qanoq ittumik suliniuteqarniarnersut paaseusuppara.

Siornatigut Naalackersuisut ilisimatippaannga apeqquteqaateqarnikkut aalisakkat suliarinagit 15.000 tons-it annissuunneqaannartartut nunattalu avataani taamaalilluni suliassaqtitsisut, maanna Qasigianguani suliffissuarmi sulisartut angerlartiinnarneqarput sikunerata kingunerisaanik, isumaqarpungalu siunissami tamanna pinngittoorniarlugu Naalackersuisut suliniuteqartariaqartut inuiaqatigiimmi pingimmassuk Royal Greenland A/S-i.

Qalerallit annissuunneqartartut suliarineqaratik amerlasuujupput, Qasigianguanilu suliffissuaq qerititsiveqarpoq angisoorsuarmik toqqorsiffiusinnaasumik taamaammat qerititsivik angisooq atorluarlugu qalerallinnik suliarineqarnatik annissuunneqaannartunik immerneqarsinnaavoq.

Apeqqutinginiarparalu Naalackersuisut suliniuteqalersaarnersut Royal Greenland A/S-imi sulisartut inuppalaarnerusumik pineqartalernissaat pillugu suliniuteqarniarnersut? Sulisartummi imatut pineqartarput suliassarunerup kinguneranik angerlartiinnarneqartarlutik annikittumik pikkorissartiinnangikkunikkit.

Isumaqarpunga inuppalaartumik pinninnerunngittoq ataqqinninnerunngittorlu Royal Greenland A/S-ip sulisuni angerlartiinnartarmagit suliassarunnermi, suliassaqalernermilu aggettitsisarlungi soorunami sulisussanik amingaateqartarpoq sulisut atorfissaarutsikkaangamigit angerlartiinnartarlugit.

Kissaatigaara apeqquteqaatikka ullut suliffiusut qulit iluanni akineqareersimanissaat.